



元和郡縣圖志卷第十一

河南道七

曹州

濮州

密州

海州

沂州

萊州

淄州

登州

曹州

上 濟陰

開元戶七萬三千一百六十一

鄉一百四十九



禹貢豫州之域於周又為曹國之地後屬於宋左傳
哀八年宋景公滅曹按曹國之地後北三十七里濟
陰縣界故定陶城是也七國時屬齊宋為楚魏所滅
三分其地齊得其濟陰東平漢為濟陰郡之地在濟
水之南故以為名景帝中六年別為濟陰國宣帝其

露二年更名定陶哀帝更為濟陰郡屬兗州後魏於定陶城置西兗州周武帝改西兗州為曹州取曹國為名也大業三年改為濟陰郡隋亂陷賊武德四年平孟海公復為曹州

州境東西二百五十九里
南北二百五十九里

八到西至上都一千五百二十五里
西至東都六百六十五里
西南至汴州一百四十五里
東至兗州三百七十里
東北至鄆州三百三十里
東南至宋州一百五十里
西北至滑州二百

貢賦綿絹大蛇栗苧

管縣六 濟陰 寃句 乘氏 成武 南華 考城

濟陰縣縣下本漢定陶縣之地也屬濟陰郡開皇六年於此置濟陰縣屬曹州皇朝因之

曹南山在縣東二十里詩所謂蒼兮南兮南山朝躋是也

汜水在縣南昔漢高祖既定天下即位於汜水之陽張晏曰汜水在濟陰界取其沈爰弘大而潤下按今汜水縣東亦有高祖即位壇據叔孫通傳云高祖為皇帝通於定陶就其儀在濟陰是也

荷澤音柯在縣東北九十里故定陶城東北禹貢曰導

荷澤被孟豬

州理中城蓋古之陶丘也一名左城帝王世紀舜綯于河濱即禹貢之陶丘今濟陰定陶西有陶丘是也爾雅曰再城為陶丘成猶重也定陶故城堯所居也古曹國在縣東北四十七里堯先居唐後居陶故曰陶唐氏史記曰曹叔振鐸者周武王弟封於曹哀八年宋滅曹執曹伯陽自曹叔至伯陽凡十八葉又范蠡相越平吳後變姓名為朱公居於陶號陶朱公亦此地也

莘仲故城在縣東南三十里蓋古之莘國也伊摯耕

於莘野湯聞賢聘以為相即此地也

三駸亭古國也在縣東北四十九里湯伐桀遂伐三

駸俘厥賢玉注曰三駸國名今定陶是也

寬句縣縣東至州四十七里本漢舊縣也漢初屬梁國景帝時

屬濟陰郡開皇三年罷郡以縣屬曹州

蕘棗故城在縣西北四十里漢書樊噲攻蕘棗屠之

是也

濟陽故城在縣西南五十里漢濟陽縣也光武以建

平元年生於濟陽縣明照一室是歲有嘉禾生一莖

九穗大於凡禾因名秀光武皇考為濟陽令

袁本初故城在縣北七十里袁紹所築故也

乘氏縣緊南至州五十四里本漢書縣也屬濟陰郡開皇三年

罷郡以縣屬曹州大業末年廢武德四年重置

孟海公南北二城在縣東西十五里隋末賊帥孟海

公所築

成武縣緊西至州一百里本漢舊縣也屬山陽郡後漢改屬

濟陰郡隋於此置戴州成武縣屬焉大業二年省戴

州縣移理州城中復屬曹州武德五年於金鄉縣重

置戴州縣又屬焉貞觀十七年廢戴州縣又屬曹州

故柁城在縣西北二十九里宣帝封金日磾為柁侯

南華縣上東南至州一百二十里本漢離狐縣也屬東郡舊傳初

置縣在濮水南常為神狐所穿穴遂移城濮水北故

曰離狐後漢屬濟陰郡魏志李興從太祖遷離狐太

守然則魏時離狐郡也晉屬濟陰郡開皇三年罷郡

縣屬曹州天寶元年改曰南華英公李勣左僕射彭

城郡公劉晏皆此縣人也

濮水在縣南五里昔殷紂使師延作靡靡之樂武王

伐紂師延至投濮水而死謂此水也

考城縣緊西南至州九十五里古戴國也春秋隱十年宋人蔡

人衛人伐戴後屬宋楚滅宋改名曰穀漢以為菑縣

國都城記曰縣西南有戴水今名戴陂周迴可百餘里蓋本戴國取此陂水為名也漢之興也其邑多菑年數不登故邑曰菑季章柴于岱宗過菑縣詔御史曰陳留菑縣其稱不令故高祖鄙栢人之名武帝休聞喜而顯獲嘉祥其改菑縣為考城縣至晉屬濟陰郡高齊天保七年省考城縣仍移成安縣理此開皇十六年改名考城縣屬宋州武德五年改屬曹州葵丘在縣東南一里百五十步左傳齊栢公會諸侯于葵丘是也

大劑陂則戴陂也在縣西南四十五里週迴八十七

里與宋州襄邑縣中分為界

濮州濮陽開元戶四万六千九百二十一鄉九百十三

禹貢兗州之域春秋時為衛國地左傳齊栢公會諸侯于鄆注曰鄆衛地今東郡鄆城縣也戰國時屬齊在漢為濟陰郡之鄆城也後漢獻帝於此城置兗州晉置濮陽郡後改濮陽國封王子允為王後為郡開皇十六年於此置濮州大業三年廢濮州入東平郡隋末陷于寇賊武德四年討平王充於此重置濮州

州境東西二百三十五里
八列西南至東都七百里
八列西南至東都七百里

東北至鄆州一百七十里
南至曹州二百一十里
北至黃河二百一十里
西南至滑州二百一十五里
貢賦 開元貢絹二十疋 賦綿絹

管縣五 鄆城 雷澤 臨濮 濮陽 范縣

鄆城縣縣一本漢舊縣屬濟陰郡開皇十六年於此

置濮州鄆城縣屬焉大業三年廢濮州縣屬東平郡

武德四年重置濮州鄆城縣又隸焉

黃河北去縣二十里

州理城在故鄆城中魏文帝以臨淄侯植為鄆城侯

雷澤縣州上西北至本漢邲陽縣古邲伯國周武王封

第季載於邲漢以為縣屬濟陰郡開皇六年於此置

雷澤縣因縣北雷夏澤以為名也屬濮州

歷山在縣西北十六里史記曰舜耕歷山耕者讓畔

澠水沮水二源俱出縣西北平地去縣十四里

雷夏澤在縣北郭外澠沮二水會同此澤

姚墟在縣東十三里舜帝生於姚墟

堯母廟在縣西南四里

堯陵在縣西三里自堯即位至永嘉三年二千七百

二十一年記于碑貞觀十一年有詔禁人芻牧春秋

奠酹

臨濮縣上北至州六十里本漢邲陽縣地屬山陽郡開皇十

六年分鄆城南界雷澤西界置臨濮縣屬濮州南臨

濮水故以為名焉大業二年廢武德四年重置

清丘在縣西三十五里

濮陽縣上東至州八十里本漢舊縣也古昆吾國即丘丘顓

頊之墟也昆吾即夏諸侯為五百之首左傳曰狄滅

衛遷于帝丘衛侯自楚丘徙濮陽縣秦置東郡理此

漢仍為東郡及濮陽縣也開皇十六年改屬濮州

黃河北去縣十五里

瓠子河上承黃河漢書武帝時河決瓠子東南注鉅

野通於淮泗上使汲黯鄭當時與人徒塞之堤復壞

是時武安侯田蚡奉邑食鄒在河北河決而南則鄒

無水災乃言江西之決乃天事也非易以人力塞之

乃不復塞後二十餘歲歲比不登梁楚尤甚上使汲人

郭昌率卒數萬人塞瓠子決河沉白馬玉璧自將軍

已下皆負薪下淇園之竹以為楗上悼功之不成乃

作歌於是卒塞瓠子築宮於其上名曰宣房其後王

尊為東郡太守河水盛溢泛浸瓠子金堤尊躬率佐

吏沉白馬効水神親執玉璧請神尊立不動而水漸退

范縣上西南至州六十里本漢舊縣也屬東郡春秋時晉大夫

士會之邑也高齊廢開皇六年又置范縣屬濟州十
六年改為濮州

故顧城在縣東二十八里夏之顧國也詩曰韋顧既
伐昆吾夏桀注曰三國黨於桀皆為湯所誅

密州 高密
上

禹貢青州之域兼得徐之地今州界於春秋之時為
莒魯之地戰國時屬齊秦并天下屬琅邪郡漢高帝
十六年分齊立膠四國都高密宣帝更名高密國後
魏永安二年分青州立膠州取膠水為名也開皇五
年改膠州為密州取境之密水為名隋亂陷賊武德

五年山東底定改置密州

州境 東三百一十六里
西三百一十里
南三百一十里
北三百一十里

八到 西至東都一千七百四十五里
西至上海州一千八百八十五里
南至海州一千八百八十五里
西南至沂州三百七十里
西南至青州三百七十里
西北至萊州三百四十里
東北至大海一百六十里

東至大海一百六十里

貢賦 開元貢 細布 牛黃 海蛤 賦 駝布

管縣四 諸城 高密 輔唐 莒縣

諸城縣 上郭 下本漢

密郡隨開皇十八年改東武為諸城縣取縣西三十里漢故諸縣城為名

琅邪山在縣東南百四十里史記曰始皇二十六年滅齊遂登琅邪作層臺於山上謂之琅邪臺周廻二十里秦王樂之因畱三月徙黔首二萬戶於山下復十二年刊石立碑紀秦功德海在縣東一百五十里盧水出縣東南盧山水側有勝火水野火燒死其炭不灰故東方朔有謂不灰之木者也

縣理東南百三十里濱海有鹵澤九所煮鹽今古多收其利

濰州故堰在縣東北四十六里蓄以為塘方二十餘

里溉水田萬頃

高密縣上西南至州百二十里本漢舊縣也文帝十六年分齊立

膠西國封齊悼惠王子卬為膠西王都高密世祖封

鄧禹為高密侯高齊文宣帝省高密縣開皇中復置

屬密州

海在縣東南六十里

濰水在縣西南自諸城縣界流入去縣四十里昔韓信與楚將龍且夾濰水而陣信為萬餘囊盛沙遏水引軍擊之信偽退且追北信決水且軍半不得度遂

斬龍且

膠水在縣東三十里

夷安澤在縣北二十里週迴四十里多麋鹿蒲葦

龍且城在縣西南五十五里楚將龍且所築也

鄭玄墓在縣西七十里

輔唐縣上東南至州一百二十里本漢安丘縣也屬北海郡後漢

屬北海郡有渠丘亭故莒渠丘公所居也高齊文帝

天保七年省隋分昌安縣置牟山縣大業二年改牟

山縣為安丘縣取漢書舊名也屬密州乾元二年改

為輔唐縣

牟山在縣西南十二里牟山縣取名於此

浯水堰三齊記曰昔者堰浯水南入荆水灌田數萬

頃今尚有餘堰而稻田畦畛存焉

莒縣上東北至州一百九十里故莒子國也漢為莒縣文帝二年

封朱虛侯章為城陽王都莒後魏亦以莒縣屬東莞

郡開皇三年廢郡莒縣屬莒州大業三年罷莒州以

莒縣屬琅邪郡武德五年重置莒州縣屬焉貞觀八

年廢莒州以縣屬密州

濰山在縣東北八十三里濰水所出也

縣理在莒國故城中城三里茲皆崇峻唯南開一門

子城方十二里郭週迴四十里

故曹公城在縣南七十二里昔魏太祖征陶謙拔五城略地東海於此築城週迴四里

漢海曲縣在縣東一百六十里屬琅邪郡有鹽官地有東呂鄉東呂里太公望所出也王莽末海曲縣有呂毋者其子為縣令枉殺乃散財以招少年少年感毋恩問毋所欲具言之乃共起兵殺縣令其後屯結至數萬赤眉之興由此始也今東海縣有呂毋國即舊集之所也

海州

東海上

開元戶二萬三千七百二十八

鄉四十

禹貢徐州之域春秋時魯國之東鄙七國時屬楚秦置三十六郡以魯為薛郡後分薛郡為郟郡漢改郟為東海郡領三十七縣理在郟縣屬徐州後漢以為東海國封皇子彊為王晉惠帝封高蜜王子越為東海王梁武帝末年長江已北悉附後魏武定七年改青冀二州為海州高齊文宣帝移海州理琅邪郡改琅邪郡為朐山郡隋末喪亂滅君相竊據之武德四年君相以郡歸順改為海州

州境

東西一百九十八里南北二百五十七里

八到

東西至上都取沂莒路二千五百五里東南至楚州四百一十里

南至揚州七百里
東南至泗州連水縣取官河水路三百四十里陸路二百三十里
西北至沂州二百三十里
西至徐州取石路五百六十里
北至密州三百八十四里
東至南海二百里
貢賦 開元貢 楚布 賦絹綿

管縣四 胸山 東海 沐陽 懷仁

胸山縣 上 本漢胸山縣也屬東海郡後周武帝建

德六年改胸山縣為胸山郡取界內胸山為名也開

皇三年廢郡縣屬海州

羽山在縣西北一百里書曰殛鯀于羽山即此也

碩濩湖在縣南一百四十二里

龍且故城在縣南六十里

鍾離昧故城在縣南百里項羽將鍾離昧所築昧即

此縣人

東海縣 上 西至水州 九十里 本漢贛榆縣之地俗謂之鬱州

亦謂之田橫島宋明帝失淮北地乃於鬱州上橋立

青州地後入魏魏改青州為海州又於此置臨海鎮

高齊廢臨海鎮周武帝復置東海縣後遂因之

小崑山在縣北六十里田橫弟避漢所居之山也其

山三面絕壁皆百餘仞唯東面一道劣容行人

大海在縣東二十八里

贛榆故城在縣北四十九里隋末土人臧君相築田橫國在縣北五十七里齊王田廣既死田橫乃代立為王與灌英戰子羸下橫敗走與其屬五百人入居海島即此也

沐陽縣中東北至州百六十里本漢厚丘縣地文帝元嘉四年

於此潼縣屬南彭城郡至太清二年地入魏孝靜帝

改為沐陽郡在沐水之陽故已為名仍於郡東置懷

文縣周武帝改懷文為沐陽縣

沐水西自下邳縣界流入經縣南十步

碩漢湖在縣東八十里與朐山連水三分湖為界

懷仁縣中東南至州九十里本漢贛榆縣地梁於此置北海郡

後魏改置義唐郡開皇初廢郡移懷仁縣理於此改

屬海州

贛榆故城一名益倉城在縣東北三十里漢縣也屬

琅邪郡

沂州琅邪中開元戶二萬七千四百

禹貢徐州之域春秋時為齊地秦并天下置琅邪郡

因琅邪山以為名也漢因之高后立營陵侯劉澤為

琅邪王文帝元年徙澤為燕王以琅邪為郡晉武帝

咸寧二年改封東海王眷為王王即帝位于江東是

為東晉元帝元帝於郡城置發干戍以南軍鎮之自
永嘉之後琅邪陷於胡寇成帝於丹陽江乘縣界別
立南琅邪郡至宋武得河南尋又沒於後魏莊帝置
北徐州琅邪郡屬焉周武帝改北徐州置沂州以州
城東臨沂水因以名之大業十三年亂離郡為徐圖
朗所破武德四年討平圖朗復置沂州

州境東西三百二十一里
南北四百二十一里
八到西至上都一千四百七十五里
西至東都一千四百七十五里
東南至海州一千一百一十五里
西至兗州三百八十里
東南至泗州三百八十里
北至青州四百五十五里

貢賦開元貢
紫石英
黃銀
賦綿絹
西至徐州二百五十里
東至濰州三百七十里
西北至淄州五百三十里

管縣五 臨沂 沂水 費縣 承縣 新泰

臨沂縣上本漢舊縣也屬東海郡東臨沂水故名

之後漢敗屬琅邪國晉屬琅邪郡高齊省開皇末復

置屬沂州

朐山在縣東南一百一十里與海州朐山縣分界

沂水東去縣一里

王僧辯城在縣東北五十里梁將王僧辯屯兵於此

王尊故宅在縣東北三十八里

沂水縣

上南至州二百里

本漢東莞縣即春秋莒魯所爭之

鄆邑也城陽姑幕縣南有貞亭即鄆也俗變其字耳

後魏孝文帝於此置新泰縣開皇四年改為東安縣

十六年文於古蓋城別置東安縣而此改名沂水縣

沂山在縣北一百二十四里周禮青州其鎮沂山

穆陵山在縣北一百九十里管仲曰賜我先君履南

至于穆陵是也

大峴山在縣北九十里宋高祖北伐慕容超大將公

孫五樓說超曰吳兵輕銳難與爭鋒宜斬大峴使不

得入上榮也超曰引使過峴我以鐵騎蹙之此成擒

耳不從宋高祖兵遂得入初是役也或曰若嚴守大

峴軍無所資何能自返高祖曰鮮卑性貪且愛其穀

必將引我兵一入大峴吾何患焉及師過大峴高祖

喜曰天贊我也遂大破之伍緝之從征記曰大峴去

半城八十里直度山二十五里崖坂峭曲石徑幽危

四岳三塗不是過也

靄山在縣西北二十八里出紫石英好者表裏映徹

形若靄狀故名靄山今猶充貢

成平公營在縣北百五十六里周武帝拔鄆城齊王

高緯先送其母妻於青州是日緯率十騎走青州周遣大將軍成平公尉遲勤率二千騎追之擒緯於青州南之雙溝周因授以青州總管立碑紀功

費縣

上東南至州九十里

古費國也隱元年傳曰費伯帥師城

卽是後為魯季氏之邑至漢為費縣屬東海郡自宋至隋皆屬琅邪郡大業末為賊潘當所破武德四年重置屬沂州

蒙山在縣西北八十里楚老萊子所耕處

東蒙山在縣西北七十五里論語曰今夫顓臾昔者先王以為東蒙主

南城縣城在縣南九十里史記齊威王使檀子守南城則楚人不敢為寇是也

承縣

上東北至州一百八十五里

一本漢之承縣春秋時鄆國也屬

東海郡開皇三年罷郡承縣屬徐州大業十三年縣為山賊左君衡所破武德四年又於此置鄆州又改蘭陵縣為承縣貞觀八年廢鄆州縣屬沂州縣西北有承水因以名焉

抱犢山在縣北六十里壁立千仞頂寬而有水此山去海三百餘里天氣澄明宛然在目昔有遁隱者抱一犢於其上墾種故以為名山高九里周迴四十五里

蘭陵縣城在縣東六十里史記曰荀卿以儒者適楚楚春申君以為蘭陵令因家焉

縣界有陂十三所竝貞觀元年已來修立以溉田焉

新泰縣上東南至州二里春秋時魯平陽邑也宣八

城平陽晉武帝太始中鎮南將軍羊祜此縣人也表

改為新泰縣屬泰山郡隋開皇四年屬莒州大業二

年廢莒州以縣屬沂州

蒙山在縣東南八十八里書曰蒙羽其藝

障山在縣東八十里出銷石石脛炬火等石居人常

採為貨

萊州 東萊 開元戶二萬三千一百五 鄉四十二

禹貢青州之域即古萊子國也齊滅之遷萊子於郟

在齊國之東故曰東萊漢高帝四年韓信虜齊王廣

分齊郡置東萊郡領縣十七理掖縣屬青州後魏獻

文帝分青州置光州取界內光水為名開皇二年改

光州為萊州隋末陷賊武德四年討平綦順復為萊州

州境 東西四百二十八里 南北二百一十七里 東南至東郡一千九百六十里 西南至上郡二千七百六十里

八到 東北至登州一千四百四十里 正南至北海五百四十里 西北至青州三百四十五里 西南至青州三百四十五里

貢賦 開元貢 黃銀 丈哈 滑石器 牛黃賦 絹綿皆布

管縣四 掖縣 即墨 昌陽 膠水

掖縣郭上本漢舊縣也屬東萊郡按掖水出縣東南

三十五里寒同山故縣取為名開皇三年罷郡屬萊

州萬里沙在縣東北三十里郊祀志武帝元封元年大

旱禱萬里沙

浮游島在縣西北四十里遙望島在海中若浮游然

故名

海水在縣北五十二里

膠水西去縣七十五里

海神祠在縣西北十七里

即墨縣中西北至州二

墨水故曰即墨高齊文宣帝併入膠水縣開皇末又

於此置即墨縣屬萊州

大勞山小勞山在縣東南三十八里晏謨齊記曰太

白自言高不如東海勞昔鄭康成領徒於此

海在縣東四十三里又在縣南百里

壯武故城在縣西六十里晉封張華為壯武侯

昌陽縣上五北至州一

昌水之陽故名昌陽有鹽官開皇三年罷郡昌陽縣

屬萊州

黃銀坑在縣東百四十里開皇十八年牟州刺史辛公義於此坑冶鑄得黃銀獻之大業末貞觀初更沙汰得之

奚養澤在縣西北四十里職方氏幽州其澤數曰奚養

膠水縣中北至州一百里本漢膠東國之地後漢省膠東國

為膠東縣屬北海國後魏屬北海郡開皇三年罷郡

屬萊州仁壽元年改為膠水縣

即墨故城在縣東南六十里古東齊之地史記蘇秦

曰齊東有琅邪即墨之饒此其處也齊湣王時燕得

樂毅伐齊下七十餘城唯莒即墨不下田單設奇策

破燕軍迎襄王於莒盡復齊地封單為安平君漢書

曰漢元年項羽徙齊王曰市於即墨為膠東王田榮

怒殺市於即墨自立為王遂併三齊之地漢膠東郡

領八縣理即墨即此城也

平度故城在縣西北六十七里城西北有土山古今

煮鹽處

淄州淄川開元戶三萬七千四百四十一鄉七十一

禹貢青州之域周之九州為幽州之境職方氏幽州

其浸淄澠州蓋取淄水為名春秋及戰國時屬齊秦

為齊郡之地在漢為濟南郡之般陽縣也開皇十六年於今理改置淄州隋亂陷賊武德元年重置淄州

州境東一百一十五里
八到西南至上都一千二百九十五里

貢賦開元貢防風石賦綿絹米粟

管縣五 淄川 長山 鄒平 濟陽 高苑

淄川縣上本漢般陽縣也屬濟南在般水之陽故名後漢屬齊國晉省宋於此置貝丘縣開皇十八年

改貝丘為淄川縣屬淄州

淄水出縣理東南原山去縣六十里俗傳禹理水功畢上石墨數里之中波流若漆故謂之淄水

長山縣上東南至州本漢於陵縣地也宋武帝於此

立武強縣開皇十八年改武強為長山縣取長白山

為名屬淄州武德元年置鄒州縣又屬焉八年廢鄒

州依舊淄州

長白山在縣西南四十里

濟水西北去縣三十五里

鄒平縣上東南至州本漢舊縣也屬濟南郡開皇三

年自梁鄒城移平原縣入鄒平城屬齊州今理是也
十六年改屬淄州十八年改平原縣為鄒平縣復
名也

黃河西北去縣八十里

濟水南去縣三十五里

濟陽縣上東南至州九十四至本漢梁鄒縣也屬濟南郡隋又

於後漢梁鄒城地置濟南縣大業二年省景龍元年

於漢梁鄒城置濟陽縣屬淄州

八會津在縣南一里相傳水陸所湊其路有八故名
八會

濟水在縣南又東北入高苑縣界

高苑縣上南至州一百一十里本漢舊縣也屬千乘國後漢屬

樂安國宋於此置長樂縣屬渤海郡十八年改為會

城縣大業三年改為高苑縣取縣東南高苑故城為

名隋末陷賊武德元年重置高苑縣屬鄒州八年廢

鄒州縣屬淄州

濟水北去縣七十步

千乘故城在縣北二十五里漢千乘國也

登州東牟中府開元戶一萬八千五百三十二鄉三十六

禹貢青州之域古萊子之國春秋齊侯滅萊至漢為

東萊郡之地後魏孝靜帝分東萊於黃縣東一百步
中郎故城置東牟郡高齊廢開皇三年改置牟州大
業三年廢武德初又置因文登縣人不從賊黨遂於

縣理置登州

州境

東西北一百六十里
南西北一百六十里

八到

西南至上都二千里
西南至上都二千里
北至海三千里
西至海四千里
正北微東至大海北岸都里鎮五百二十里
東至文登縣界大海北岸都里鎮五百二十里
東南至大海四百六十里
南至大海六十里

貢賦

開元貢 牛黃 水葱 蓆 賦麻布

管縣四

蓬萊

牟平

文登

黃縣

蓬萊縣中下本漢黃縣之地屬東萊郡昔漢武帝於
此望蓬萊山因築城以蓬萊為名在黃縣東北五十
里貞觀八年於此置蓬萊鎮神龍三年析黃縣置蓬
萊縣在鎮南一里即今登州所理是也

牟平縣中西至州本漢縣也屬東萊郡有鐵官鹽官

在牟山之陽其地夷坦故曰牟平漢書齊悼惠王子

將閭為牟平侯後屬萊州武德四年於中郎城置牟

州牟平縣屬焉貞觀元年牟州及縣俱廢麟德二年

析文登縣於此重置牟平縣屬登州

文登縣

上西北至州三十五里

本漢牟平縣也屬東萊郡高

齊後帝分牟平置文登縣屬長廣郡取縣界文登山為名開皇三年廢長廣郡文登縣屬萊州武德元年改屬登州

之梁山在縣西北一百九十里史記曰秦始皇二十九年登之梁刊石紀功封禪書曰齊有八祠之梁山為陽主

成山在縣東北百八十里史記曰始皇二十九年又東遊登成山升之梁勒石紀功郊祀志曰齊有八祠

成山為日主封禪書曰七曰日主祠成山

文登山在縣西北九十里

海在縣南六十里縣東一百八十里三面俱至於海縣東北海中有秦始皇石橋今海中時有堅石似柱之狀

東牟故城在縣西北百十里漢高后二年封齊悼惠王子興居為侯

不夜故城在縣東北八十五里屬東萊郡春秋時萊子所置初築此城有日夜出故名之

黃縣州中東北至本漢舊縣也屬東萊郡開皇三年罷

郡屬萊州武德四年屬牟州神龍三年置登州黃縣
割屬焉漢書曰秦欲攻匈奴運糧使天下飛芻輓粟
起於黃腫琅邪負海之郡轉輸北河率三十鍾而致
一石黃即今黃縣腫即今又登縣漢並屬東萊郡腫
直瑞反北河朔方已北六斛四斗曰鍾計道路
所費凡用百九十
二斛乃致一名

萊山在縣東南二十里封禪書曰齊之八祠六曰月
主祠之萊山

故黃城在縣東南二十五里古萊子之國春秋傳曰
齊侯滅萊杜注曰今萊黃縣是也

大人故城在縣北二十里司馬宣王伐遼東造此城

運糧船從此入今新羅百濟往還常由於此

蓬萊鎮在縣東北五十里

海瀆祠在縣北二十四里大人城上



元和郡縣圖志卷第十二

河東道一

河中府

河東郡

開元戶七萬二百七十九戶戶一萬九千六百一

鄉六十五

今為河中節度理所

管縣五

河中府

絳州

晉州

慈州

隰州

管縣三十七

都管戶田萬一千三百六十五

禹貢冀州之域按今州本帝舜所都蒲坂也春秋時為魏耿楊芮之地左傳曰晉獻公滅魏以賜畢萬服虔注曰魏在晉之蒲坂畢萬之後十代至文公列為諸侯至惠王僭號稱王至王假為秦所滅今州即秦



河東郡地也漢元年項羽封魏豹爲西魏王王河東
都平陽二年豹降從漢王在滎陽請歸侍親疾至則
絕河津反爲楚盡有太原上黨地九月韓信虜豹定
魏地置河東上黨太原郡文帝時季布爲河東守文
帝謂曰河東吾股肱郡故特召君耳後魏太武帝於
今州埋置雍州延和元年改雍州爲秦州周明帝改
秦州爲蒲州因蒲坂以爲名大業三年罷州又置河
東郡隋將屈突通守河東高祖師次桑泉縣通出守
潼關乃令鷹揚郎將堯君素王行本留鎮郡城遂於
今桑泉縣置河東郡武德元年罷郡置蒲州其年堯

君素爲城人薛宋李楚客所殺王行本仍堅守不賔
二年置蒲州總管三年行本歸化自桑泉移蒲州於
今理九年廢總管置都督府復爲州開元元年五月
改爲河中府仍置中都麗正殿學士韓覃上疏陳其
不可至六月詔停後爲州乾元三年又改爲河中府
大曆中元載爲相又上建中都議曰自古建大功者
未嘗不用天因地故高祖保關中光武據河內皆深
根固本以制天下臣等考天地之心本聖人之意驗
古往之事切當今之務則莫若建河中爲中都隸陝
號晉絳汾潞儀石慈隰等十城爲藩衛長安去中都

三百里順流而東邑居相望有羊腸底柱之險羊腸在路

州在關縣火濁河五州之限五門在慈州文城縣西南南一百六里即龍門上口

以輶輳為襟帶與關中為表裏劉敬所謂扼天下之

亢而撫其背即此之謂推是而言則建中都將欲固

長安非欲外之也將欲安成周非欲捨之也將欲制

蠻夷非欲懼之也將欲定天下非欲弱之也河中之

地左右王都黃河北來太華南倚總水陸之形勝鬱

關河之氣色每歲白露既降涼風已高陛下處金城

湯池內綏華夏登信臣驍將外馭戎狄出於仲秋還

於農隙有潛濁泛舟之便無登高履險之虞不傷財

不害人得養威而持符如此則國有保安之所家無

係虜之憂矣疏奏不省初代宗自幸陝之後每歲八

九月間京師恟恟常懼大戎復至將相之家皆裝儲

糗為行李之備載知人情不安遂敵此疏真因制置

竊有兵權議亦宏博盡當時利害然代宗探見載意

議故不行或曰建中都江融設險圖之首篇也融誅

後書已不傳不知斯言何自而得

府境東西二百五里南北一百七十里

八到西南至上都二百二十里東北至絳州取桐鄉路三百里東至東都五百八十五里東南至陝州二十四十五里西至同州六十七里西南至華州一百四十七里東南至魏州一百八十二里

貢賦

開元貢 麩布 竹扇 漆匣 乾棗 鳳栖梨 龍骨

管縣八 河東 河西 臨晉 猗氏 虞鄉

寶鼎 解縣 永樂

河東縣 郭亦下本漢蒲坂縣地也屬河東郡開皇三年

罷郡縣仍屬蒲州十六年移蒲坂縣於城東仍於今

理別置河東縣大業二年省蒲坂縣入河東縣

雷首山一名中條山在縣南十五里

風陵堆山在縣南五十五里與潼關相對

長原一名蒲坂在縣東二里其原出龍骨

河水北自棗泉縣界流入

媯汭水源出縣南雷首山尚書曰釐降二女子媯汭

州城即蒲坂城也城中有舜廟城外有舜宅及二妃冢

故陶城在縣北四十里尚書大傳曰舜陶于河濱

故堯城在縣南二十八里

蒲坂關一名蒲津關在縣西四里魏志曰太祖西征

馬超韓遂夜渡蒲津關即謂此也今造舟為梁其制

甚盛每歲徵竹索價謂之橋腳錢數至二萬亦關河

之巨防焉

風陵故關一名風陵津在縣南五十里魏太祖西征

韓遂自潼關北渡即其處也

靈祠在州理舜城中貞觀十一年詔致祭以時灑掃
伯夷墓在縣南三十五里雷首山南貞觀十一年詔
致祭禁樵蘇

河西縣次赤本朝邑縣東地乾元三年因置河中府

割朝邑縣置

臨晉縣次畿西南至府七十四里本漢舊縣地也後魏改為北

解縣開皇十六年分猗氏縣於今理置堯泉縣因縣
東堯泉故城以為名也天寶十二年改為臨晉

河水經縣西四十里

凍水在縣東二十三里

故解城本春秋時解梁城又為漢解縣城也在縣東
南十八里晉惠公許賂秦伯以河外列城五東盡虢
略內及解梁城是也 堯泉故城在縣東十三里

左傳曰重耳圍令狐入堯泉謂此也

故司空魏國公裴寂墓在縣東北十七里

猗氏縣次畿西南至府一百一十里本漢舊縣即猗頓之所居

也西魏恭帝二年改猗氏為桑泉縣周明帝復改桑

泉為猗氏縣屬汾陰郡開皇二年罷郡屬蒲州

凍水經縣南六里

故郇邑在縣西南四里左傳曰晉侯謀去故絳欲居郇

瑕氏之地韓獻子曰郇瑕氏土薄水淺不如新田遂遷新田即平陽絳邑縣也

虞鄉縣次畿西府七十里本漢解縣地也後魏孝文帝改

置南解縣屬河東郡周明帝武成二年廢南解縣別置綏化縣武帝改綏化為虞鄉

壇道山一名百梯山在縣西南十二里山高萬仞躋攀者百梯方可升降故曰百梯山南有穴莫測深

每有勅使投金龍於此無醮焉

王官故城在縣南二里左傳曰秦伯涉河焚舟取王官五老仙人祠在縣西十七里

寶鼎縣次畿南至府一百一十里本漢汾陰縣也屬河東郡劉

元海時廢汾陰縣入蒲坂縣後魏孝文帝復置汾陰縣開元十一年改為寶鼎縣

黃河在縣北十一里趙簡子沉佞臣欒黶之所也

汾水北去縣二十五里

后土祠在縣西北一十一里

殷湯陵在縣北四十三里

解縣次畿東北至府四十三里本漢舊縣也屬河東郡大業二

年省解縣九年自綏化故城移虞鄉縣於廢解縣理即今縣理是也武德元年改虞鄉縣為解縣屬虞州因

漢舊名也仍於蒲州界別置虞鄉縣貞觀十七年廢
虞州解縣屬河中府

中條山在南二十里

鹽池在縣東十里

女鹽池在縣西北三里東西二十五里南北二十里

鹽味小苦不及縣東大池鹽俗言此池亢旱鹽即凝

結如逢霖雨鹽則不生今大池與安邑縣池總謂之

兩池官置使以領之每歲收利納一百六十萬貫

熨斗陂在縣東北二十二里

通路自縣東南踰中條山出白徑趣陝州之道也山

嶺參天左右壁立間不容軌謂之石門路出其中名

之白徑嶺焉

永樂縣

次畿北至府九十里

本漢河北縣地

周明帝改河北

縣為永樂縣武帝省永樂縣以地屬芮城縣武德二

年分芮城於縣東北二里永固堡重置永樂屬芮州

七年移於今理貞觀八年改屬

中條山在縣北三十里

河水經縣南二里

永樂澗水源出條山經縣東二里又南入河

五老山在縣東北十三里堯升首山觀河渚有五老

人飛為流星上八帛因號其山為五老山

絳州

絳郡 開元戶一萬一千九百八十八 元元戶一萬一千二百七十一

鄉一百七十六

禹貢冀州之域春秋時屬晉左傳曰晉人謀去故絳欲居郇瑕氏之地韓獻子曰郇瑕氏土薄水淺不如新田遂遷新田注曰新田今平陽絳邑縣是也三卿滅晉其地屬魏戰國時亦為魏地秦為河東郡地今州即漢河東郡之臨汾縣地也魏正始八年分河東汾北置平陽郡又為平陽郡地後魏孝武帝於今理西南二十里正平縣界栢壁置東雍州及正平郡其地屬焉孝文帝廢東雍州東魏靜帝復置周明帝武

成二年改東雍州為絳州大業三年廢州為絳郡初義師將西入關大將軍進次古堆去絳郡十餘里通守陳叔達堅守不下高祖命厨人曰明日早不絳城然後食乃引兵攻城自旦及辰破之仍置絳郡武德元年罷郡置絳州總管三年復為絳州

州境

東西三百六十五里 南北三百三十三里

八到

西南至上郡五百九十里 東南至東都取垣縣土屋路四百八十里

東北至晉州一百四十里 東至澤州四百四十里

南至陝州二百里 西北至慈州二百四十里

貢賦

開元貢梨蠟 賦貨布 賦風

管縣九

正平

太平

萬泉

曲沃

翼城

聞喜 絳縣 稷山 龍門

正平縣望下本漢臨汾縣地屬河東郡開皇三年罷郡改屬絳州十八年改臨汾縣爲正平縣因正平故郡城爲名也

汾水東北自曲沃縣界流入

澮水東自曲沃縣流入

栢壁在縣西南二十里後魏明帝元年於此置栢壁鎮太武帝廢鎮置東雍州及正平郡周武帝於此改置絳州建德六年又自此移絳州於今稷山縣西南二十里玉壁按栢壁高二丈五尺周迴八里

晉虎祁宮在縣南六里左傳曰石言於晉魏榆師曠曰石不能言或憑焉抑又聞之作事不時怨讟動於人則有非言之物而言於是晉侯方築虎祁之宮今按宮南有澮水北有汾水俱西流至宮西而合隋末依宮餘址築堡今名脩義堡

晉靈公臺在縣西北三十一里左傳曰晉靈公不君從臺上彈人觀其避丸即此臺也

武平故閔在縣西三十里高齊時置周平齊廢

晉齊姜墓在縣南九里申生之母也

驪姬墓在縣南八里

太平縣

秦西至州
五十一里

本漢臨汾縣地屬河東郡後魏

太武於今縣東北二十七里太平故關城置秦平縣

屬平陽郡周改秦平為太平因關名開皇三年罷郡

改屬晉州十年改屬絳州

汾水在縣東二十九里

太平故關城在縣東北二十七里

白波壘在縣東南十二里後漢末黃巾賊於西河白

波谷寇太原於此築壘

子竒壘在縣東三十里後秦王姚興遣弟義揚公平

字子竒與征虜將軍狄伯支等步騎四萬伐魏攻平

陽陷之遂據柴壁魏軍大至截汾水以守之平大敗

將麾下三十騎赴汾水而死狄伯支等十將四萬人

皆為魏所擒今按此壘西臨汾水壘側尚有柴村子

竒投汾即此處也

趙盾祠在縣西南十八里

李牧祠在縣東北十三里

晉公孫杵臼程嬰墓並在縣南二十一里趙盾墓塋中

萬泉縣

東北至州一
百二十里

本漢汾陰縣地屬河東郡

又薛通城者後魏道武帝天賜元年赫連勃勃僭號

夏侵河外下時有縣人薛通率宗族千餘家西去漢

汾陰縣城八十里築城自固因名之武德三年於薛
通汝城置萬泉縣屬秦州縣東谷中有井泉百餘區
因名萬泉貞觀十七年廢秦縣屬絳州

曲沃縣

繫

西至州
三十里

本晉舊都絳縣地也漢以爲絳

縣屬河東郡後漢加邑字屬郡不改晉改屬平陽郡
後魏孝文帝於今縣東南十里置曲沃縣屬正平郡
因晉曲沃爲名開皇三年罷正平郡改屬絳州

絳山在縣南十三里出銅鈹

汾水西南去縣二十二里

澮水在縣南二里

絳水在縣界南三十里

漢絳縣本春秋晉都新田也在縣南二里周勃爲絳侯
即其地也今號絳邑故城

陞庭故城在縣西北二十里左傳曰曲沃武公伐翼
次于陞庭是也

臺駘神祠在縣西南三十六里左傳曰晉侯有疾卜
臺駘爲祟問於子產子產曰昔金天氏有裔子曰昧
爲玄且師生允格臺駘能業其官帝用嘉之封諸汾
川今晉主汾而賦之由是觀之則臺駘汾神也

昭六城縣

望

西至州
一百里

本漢絳縣地屬河東郡後魏

明帝置此縣開皇末改為翼城縣屬絳州因縣東古翼城爲名也武德元年於此置澮州二年廢澮州縣屬絳州

澮高山在縣東南二十五里澮水出焉其山出鐵隋於此置平泉治澮水今改名翼水

故翼城在縣東南十五里晉故絳都也

故唐城在縣西二十里堯裔子所封也

聞喜縣

望

西南至州六十里

本漢左邑縣之桐鄉也武帝

元鼎六年將幸緱氏至此聞南越破大喜因立聞喜縣屬河東郡後魏改屬正平郡開皇三年罷郡屬絳州

景山在縣東南十八里

董澤一名董池陂在縣東北十四里左傳厨武子曰

董澤之蒲可勝既乎

桐鄉故城漢聞喜縣也在縣西南八里俗以此城爲伊尹放太甲於桐宮之所孔注尚書曰桐湯葬地也按今尸鄉有放太甲處在堰師縣界非此也又漢大司農朱邑屬其子葬桐鄉者在今舒州界亦非此也王官故城今名王城在縣南十五里左傳曰俘我王官祁奚墓在縣東二十二里今太原祁縣又有祁奚墓未詳孰是

絳縣

上 西北至州八十里

本漢聞喜縣地後魏孝文帝置

南絳縣其地屬焉因縣此絳山爲名也屬正平郡恭帝去南字直爲絳縣開皇三年罷郡改屬絳州義寧元年屬翼城郡武德元年屬澧州改屬絳州備窮山在縣東北二十五里出鐵鉏穴五所

絳水一名沸泉水出絳山東谷懸流奔壑一十許丈西北注于澧史記稱智伯率韓魏引絳水灌晉陽不沉者三板智氏曰吾始不知水可以亡人之國今乃知之於是韓魏之君共煞智伯水在縣北十四里晉文公墓在縣東二十里左傳曰文公卒將殯于曲

沃出絳柩有聲如牛貞觀十一年詔致祭五十步禁

樵蘇

稷山縣

蒸

東至州四十九里

本漢聞喜縣地屬河東郡後

魏孝文帝於今縣東南三十里置高涼縣屬龍門郡開皇三年罷郡縣屬絳州十八年改爲稷山縣因縣南稷山以爲名也

稷山在縣南五十五里左傳曰晉侯理兵於稷以略狄土即此地也

汾水在縣南五十里

玉壁故城在縣南十二里後魏大統四年東道行臺

工思政表築玉壁城因自鎮之八年高歡寇玉壁思
政有備攻不剋周初於此置玉壁總管武帝建德六
年廢總管城週迴八里四面並臨深谷
稷祠在縣南五十里稷山上

義和墓在縣東北十七里

龍門縣望

東至州一百十里

古耿國毅王祖乙所都晉獻

公滅之以封趙夙秦置爲皮氏縣漢屬河東郡後魏
太武帝改皮氏爲龍門縣因龍門山爲名屬北鄉開
皇三年廢郡以縣屬絳州十六年割屬蒲州武德三
年屬秦州貞觀十七年廢秦州縣隸絳州

汾水去縣五里漢武帝行幸河東作秋風詞即此水也
故耿城在縣南十二里古耿國也

伏龍原在縣西南十八里

黃河北去縣二十五里即龍門口也禹貢曰浮于積
石至于龍門注曰龍門山在河東之西界大禹導河
積石䟽決龍門即斯處也河口廣八十步巖際雋迹
遺功尚存三秦記曰河津一名龍門水陸不通魚鱉
之屬莫能上江海大魚集龍門下數千不得上上則
爲龍故曰曝腮龍門水經注曰其魚出鞏縣鞏穴每
三月則上渡龍門得則爲龍否則點額而還

蜚廉故城在縣南七里

龍門關在縣西北二十二里

大禹祠在縣西二十五里龍門山上隋末摧毀貞觀九年奉勅更令修理

高祖神堯皇帝廟在禹廟南絕頂之上畫行幸儀衛之像蓋義寧初義旗至此也

晉州

平陽望

開元戶六萬八千五百五十三元和戶六千二百六十七

鄉一百四十八鄉五十九

禹貢冀州之域即光舜禹所都平陽也春秋時其地屬晉戰國時屬韓後將馮亭以上黨降趙又屬趙在秦為河東郡地也今州即漢河東郡之平陽縣也

永嘉之亂劉元海僭號稱漢建都於此前趙錄曰太史令宣于循之言於元海曰蒲子崎嶇非可久安平陽唐光普都願陛下都之於是遷都平陽後魏太武於此置東雍州孝明帝改為唐州尋又改為晉州因晉國以為名也高齊武成帝於此置行臺周武帝平齊置晉州總管義旗初建改為平陽郡武德元年罷郡置晉州三年為總管府四年為都督府貞觀六年廢府復為晉州

州境

東西三百二十里南北二百五十里

八到

西南至東六百二十四里東南至東六百二十四里

東北至汾州三百六十里東至潞州三百九十里

西至慈州一百二十里
東北至沁州二百九十里

東南至澤州四百一十里
西北至濶州二百五十里

貢賦 開元貢蠟燭
賦麻布

管縣九 臨汾 襄陵 神山 岳陽 洪洞

霍邑 趙城 汾西 翼氏

臨汾縣 望下 本漢平陽縣屬河東郡在平水之陽故

曰平陽魏置平陽郡平陽縣屬焉開皇元年改平陽

縣為平河縣三年罷郡縣屬晉州其年又改平河縣

為臨汾縣

平山一名壺口山今名姑射山在縣西八里平水出

焉尚書曰壺口理梁及岐

汾水北自洪洞縣界流入

滴水今名三交水東自襄陵縣界流入

堯廟在縣東八里汾水東

姑射神祠在縣北十三里姑射山東武德元年勅置

龍子祠在姑射山東平水之源其地茂林蓊鬱俯枕

清流實晉之勝境也

劉和墓在縣南三十五里和元海太子也

劉聰墓在縣西南十一里聰元海第四子也

襄陵縣 秦西北五州
二十六里 本漢舊縣也屬河東郡高齊

省周平齊自臨汾縣移禽昌縣於今理屬晉州大業

一年改禽昌爲襄陵取舊漢名也縣東南有晉襄陵因以爲名先是以禽昌名者後魏禽赫連昌以置縣故也

浮山在縣東南七里

滴水在縣北十五里

黑水經縣北二十五里

晉賈充墓在縣西南十里

神山中 西至州七十八里

本漢襄陵縣地也武德二年

僕射裴寂奏分襄陵縣置浮山縣屬晉州因山爲名

至三年因羊角山神人見又改爲神山焉

黑山今名烏頭山在縣東四十四里黑水出焉

羊角山在縣東南三十一里

老君祠在縣東南二十里武德三年見神於羊角山

下語曲沃縣人吉善行曰報大唐天子得聖理一千

年其年勅遣通事舍人柳憲立祠因改縣爲神山

岳陽縣

中

西向至州一百五十里

本漢穀遠縣地後魏孝莊

帝置安澤縣屬義寧郡開皇十六年改屬沁州大業

二年改爲岳陽縣因山爲名義旗初建屬平陽郡武

德元年罷郡改屬晉州

烏嶺山在縣東三十里

千畝原在縣北九十里周迴四十里

東池堡在縣南三十三里今堡中見貯義倉北面絕崖三面各一丈五尺週迴二里

洪洞縣望

西南至州六十里

本漢楊縣即春秋時楊侯國

也晉滅之以賜大夫羊舌肸漢以縣屬河東郡魏置平陽郡楊縣屬焉開皇三年罷郡改屬晉州義旗初建改爲洪洞縣因縣北故洪洞鎮爲名也

霍山在縣東北三十里事具霍邑縣

汾水自趙城縣東流入

洪洞故城在縣北六里後魏鎮城也姚暉序行記曰周建德五年從行討齊師次洪洞百雉相臨四周重

複控據要險城主張元靜率其所部肉袒軍門即此也禽昌故縣在縣東南二十四里後魏太武帝禽赫連昌置因以名焉

師曠祠在縣東南二十五里

霍邑縣

上南至州一百五十里

本漢彘縣也屬河東郡因彘

水爲名即周厲王所奔之邑後漢順帝改爲永安縣屬郡不改後魏初省及宣武正始二年又置永安縣開皇十八年改爲霍邑縣屬晉州因霍山爲名隋末喪亂武牙卽將宋老生屯兵於此義師之至也老生陣兵據險師不得進忽有白衣老父詣軍門曰霍山

神遣語大唐皇帝若向霍邑當東南傍山取路我當
助帝破之遣人視之果有微道高祖笑曰此神不欺
趙襄子豈當負吾耶於是進師去城十餘里老生戰
敗劉弘基斬之遂平霍邑置霍山郡武德元年廢郡
復置呂州貞觀十七年廢呂州縣又隸晉州

霍山一名太岳在縣東三十里禹貢曰壺口雷首山
于太岳鄭玄注曰今河東堽縣霍大山是也

呂坂在縣西南十里有呂鄉晉大夫呂甥之邑也呂
州取名於此

汾水經縣西一里

堽水出霍山經縣南一里

普濟寺貞觀八年奉詔以破宋老生於此置寺

周厲王陵在縣東北二十五里

趙城縣

上

南至州九十五里

本漢堽縣地即造父之邑也

自漢迄晉不改後魏大武帝廢其趙城縣義旗之初
分霍邑縣置屬霍山郡因故趙城爲名武德元年廢
郡置呂州縣屬焉貞觀十七年廢呂州縣屬晉州

汾水在縣西四里

霍山廟在縣東南二十里霍山上甚有靈驗貞觀五
年勅令脩理

汾西縣

中 東至州一百八十里

本漢彘縣地屬河東郡後

漢又彘為永安縣高齊又於此置臨汾郡及臨汾縣

開皇三年改臨汾為汾西縣十六年改屬汾州十八

年改屬呂州大業二年改屬晉州義旗初屬霍山

郡武德元年又屬呂州貞觀十七年廢呂州又屬

晉州

汾水在縣東三十五里

冀氏縣

中 西至州一百九十二里

本漢隋氏縣地也屬上黨郡

隋音居義反至晉少後魏莊帝於隋氏城南置冀氏

縣屬晉州

烏嶺山在縣西三十里

沁水在縣東一里

慈州

文城 下

開元戶一萬一千二百七十五 元和戶一十百七十七

鄉三十

禹貢冀州之域春秋時晉之屈邑獻公子夷吾所居

也左傳曰驪姬賂外嬖梁五與東關嬖五使言於公

曰蒲與二屈君之疆也不可無主乃使重耳居蒲夷

吾居屈注曰二屈今平陽郡北屈縣也左傳屈產之

乘亦此地秦兼天下縣屬河東郡漢此屈縣屬河西

郡後魏孝文帝於北屈縣南二十一里置定河郡即

今州理是也隋開皇元年改定陽郡為武城郡貞觀

八年改為慈州州內有慈烏戍因以為名

州境

東西五百五十一里
南北二百一十二里

八到

西南至上都六百八十五里
東南至絳州大平縣一百九十里
北至隰州二百里

西北至丹州一百八十里
東南至絳州二百四十里

東南至東都七百二十五里
西至龍門縣一百八十里
東南至晉州二百四十里
正西至黃河六十五里

貢賦

開元貢 鳩 白蜜
麻 布

管縣五

吉昌

文城

昌寧

仵城

呂香

吉昌縣

中郭下

本漢北屈縣地也屬河東郡後魏孝文

帝於今州置定陽郡并置定陽縣會有河西定陽胡

人渡河居於此因以為名十八年改定陽縣為吉昌

縣貞觀八年改置慈州縣依舊屬焉

壺口山在縣西南五十里

風山在縣北三十里山上有穴如輪風氣蕭瑟未嘗

暫止當其衝路不生草故以風為名

黃河北去縣六十里

姚襄城在縣西五十二里本姚襄所築其城西臨黃

河控帶龍門孟門之險周齊交爭之地齊後主武平

二年遣右丞相斛律明月左丞相平原王段孝先破

周兵於此城遂立碑以表其功其碑見存齊氏又於

此城置鎮開皇發武德二年又置鎮九年廢城高二

文周迴五里也

文城縣

中 東南至州六十五里

本漢北屈縣地屬河東郡後

魏孝文帝於此置斤城縣屬定陽郡開皇十六年改斤城為文城縣

孟門山俗名石槽在縣西南三十六里淮南子曰龍門未關呂梁未鑿河水孟門之上名曰洪水大禹疏通謂之孟門水經注曰風山西四十里河水南出孟門與龍門相對即龍門之上口也實為黃河之巨阨今按河中有山鑿中如槽東流懸注七十餘尺文城故城在縣北三十里故老曰此城晉文公為公

子時避驪姬之難從蒲奔狄因築此城人遂呼為文城

昌寧縣

中 西北至州五十里

本漢臨汾縣地屬河東郡後

魏太武帝分臨汾縣置太平縣孝文帝又分太平縣置昌寧縣屬定陽郡開皇元年改屬耿州十八年又屬汾州大業二年改汾州為文城郡縣仍隸焉貞觀八年改為慈州縣又屬焉

兩乳山在縣西南七十里山有兩岫望如乳形因以為名

黃河北去縣七十九里

倚梯故城在縣西南一百五十里累石為之東北兩

而據嶺臨谷西南兩面俯眺黃河懸崖絕壁百餘尺其西南角即龍門之上口也以城在高嶺非倚梯不得上因以為名城中有禹廟後魏孝文帝西巡至此立碑碑今見在

禹廟在縣西南一百五里龍門東岸上其碑是後魏孝文帝所立

晉荀息墓縣東北十六里

仵城縣中西南至州五十八里本漢北屈縣地屬河東郡後

漢於此置仵城郡領京軍縣孝文帝改京軍縣為仵城縣開皇三年廢仵城郡改屬文城郡皇朝改屬慈州

石門山在縣北六十里

柘定故城在縣西一里周保定四年置以高境因以為名隋廢

呂香縣中至州州百二十里本漢臨汾縣地也屬河東郡

後魏太武帝於此置刑軍縣屬仵城郡孝文帝改為平昌縣開皇十六年省平昌入仵城縣義寧元年於此置平昌縣貞觀元年改為呂香縣因舊呂香鎮為名屬慈州

馬頭山在縣南六十里其山峭嶷如馬首因以為名橫嶺山在縣西北六十里

隰州 大寧

開元戶一萬八千五百八十三

御四十八 鄉二十四

禹貢冀州之域春秋時為晉地七國屬魏秦為河東

郡地在漢為蒲子縣屬河東郡後魏初屬作城郡孝

文改蒲子為長壽縣太和十二年於此置汾州周宣

帝文象元年於今州東百步置龍泉郡隋開皇五年改

為隰州大業三年又改為龍泉郡武德元年又為隰

州爾雅曰下濕曰隰以州帶泉泊下濕故以隰為名

州境 東北

八到 東南取慈州路至上都八百八十五里

東南至東都八百八十里 東南至晉州汾西縣一百六十里 北至石州二百五十里

貢賦

開元貢蠟白蜜 麝香 胡女布

管縣六

石樓

隰川

蒲縣

大寧

溫泉

永和

隰川縣 郡中

本漢蒲子縣地也屬河東郡魏少帝分

河東置平陽郡蒲子縣屬焉劉元海僭號稱漢初理

於蒲子後徙平陽又於此置大昌郡以蒲子屬焉周

宣帝改置長壽縣開皇十八年改為隰川縣南有龍

泉下隰因以為名屬隰州

蒲水源出縣東北石樓山

黃櫨谷水出縣東北黃櫨谷

故橫城在縣南三十五里隋仁壽四年楊諒作逆遣

偽將吳子通屯兵築城於此橫絕蒲川道因以為名

蒲縣中 西北至州一百一十里一本漢蒲子縣地後魏於此置

石城縣後廢周宣帝於石城故縣置蒲子縣因漢蒲

子縣為名也屬定陽郡開皇五年改屬隰州大業二

年改為蒲縣

五禿山在縣東北五十里山少草木故名五禿周回

七十七里

常安原在縣西南四十里東西廣四十里南北長二

十里

仵城故城在縣南南六十三里後魏仵城郡也

大寧縣中 東北至州八十六里本漢北屈縣地也屬河東郡

後魏於此置仵城縣尋廢周武帝又於廢縣西三里

置大寧縣屬南汾州大業二年省武德二年於此置中

州復置大寧縣以屬焉貞觀元年廢中州以縣屬隰州

孔山在縣西北二十五里上有穴如車輪三所東西

相去各二丈其深不測因以名焉

黃河北去縣六十八里

蒲水一名斤水去縣六十步

浑圖鎮齊清河四年築隋移大寧縣理即今此縣理是也

温泉縣

中 西南至州一百六十里

本漢土軍縣地也後魏於

土軍故縣東七十里置新城縣屬土京郡大武改名

嶺東縣孝文改為新城縣武德三年於縣東南四十

里置北温州及温泉縣因縣南温泉為名貞觀元年

省北温州及新城縣以温泉縣屬隰州

遠望山一名可寒堆在縣西七十里高五里周迴七

十五里

西陽泉源出縣東北去縣十里

永和縣

中

東至州八十里

本漢狐讞

之涉反

縣屬河東郡後

漢省魏初復置狐讞縣屬河東郡魏廢高齊後主於

其城置永和鎮周宣帝廢鎮置臨河郡及臨河縣屬

汾州開皇五年改屬隰州十八年改臨河為永和縣

以縣西永和關為名也

樓山在縣西南二十二里

黃河東去縣六十里

狐讞故縣城在縣西南三十五里

石樓縣

中

東至州九十里

本漢土軍縣也屬西河郡晉省

後魏孝文帝於此城置土京郡即漢土軍縣蓋胡俗

音訛以軍爲京也開皇五年又以土京屬隰州十八年改土京爲石樓縣因縣東石樓山爲名也石樓山在縣東南六十里水經注曰蒲水出石樓山黃河東去縣九十九里龍泉水出縣東南去縣十里山下牧馬多產名駒故得龍泉之號縣理城漢土軍城也其城圓而不方謂之團城

元和郡縣圖志卷第十二

元和郡縣圖志卷第十三

河東道三

河東節度使

今爲河東節度理所

太原府 開元戶一十二萬六千八百四十
元和戶一十二萬四千

鄉二百四十五
鄉二百四十九

管州十一 太原府 汾州 沁州 儀州

嵐州 自嵐州已下分入下卷

石州 忻州 代州 蔚州 朔州

雲州

管縣四十五 都管戶二十五萬一千六百八十三

禹貢冀州之域禹貢曰既修太原注曰高平曰原今以爲郡名舜典曰肇十有二州王肅注曰舜爲冀州之北太廣分置并州至夏復爲九州省并州合于冀州周之九州復置并州職方曰正北曰并州其山鎮曰恒山藪曰昭餘祁川曰潁沱漚夷寔曰涑易釋名曰并兼也言其州或并或設因以爲名春秋晉荀吳敗狄於太鹵即太原晉陽縣也中國曰太原夷狄曰太鹵案晉太鹵大夏墟平陽晉陽諸名其實一也太康地記曰并州不以衛水爲號又不以恒山爲名而言并者蓋以其在兩谷之間乎按今州本高辛氏之

子實沈又金天氏之子臺駘之所居也左傳曰昔高辛氏有二子伯曰閼伯季曰實沈居于大林不相能也日尋干戈后帝不臧遷實沈于大夏主參金天氏有裔子曰昧爲玄冥師生成格臺駘以處太原晉陽縣也太原臺駘之所居案今州又爲唐國帝堯爲唐侯所封又爲夏禹之所都也帝王世紀曰帝堯始封於唐又徙晉陽及爲天子都平陽平陽即今昔州晉陽即今太原也又曰禹自安邑都晉陽至桀徙都安邑至周成王以封弟叔虞是爲晉侯史記曰成王與叔虞戲削桐葉爲圭曰以是封汝周公請封之於唐

成王曰吾戲耳周公曰天子無戲言遂以封之今州
春秋時爲晉國戰國時爲趙地左傳曰晉趙鞅入晉
陽以叛潁客曰趙簡子居晉陽至成公居邯鄲史記
曰智伯率韓魏攻趙襄子奔保晉陽復爲韓魏趙所
滅故其地屬趙地理志曰趙西有太原秦本紀曰莊
襄王二年蒙驁攻趙定太原四年初置太原郡始皇
置三十六郡仍爲太原郡漢二年魏豹反爲楚盡有
太原上黨之地九月韓信虜魏豹定魏地置河東上
黨太原郡六年以太原二十一縣爲韓國徙封韓王
信都太原七年信走入匈奴十一年封皇子爲代

王都晉陽文帝元年立皇子參爲太原王都晉陽地
理志云太原郡領二十一縣屬并州後漢末省并州
入冀州魏文帝黃初元年復置并州改太原郡爲太
原國初曹公圍袁尚於鄴時袁紹外生高幹爲并州
州刺史袁紹說幹曰并州左有恒山之嶮右有大河
之固北有強胡宜速迎尚并力觀變幹不能用故敗
晉惠帝時并州之地盡爲劉元海所有其後劉曜徙
都長安自平陽已東盡入石勒至符堅姚興赫連勃
勃並於河東郡置并州後符丕爲慕容垂所迫奔于
晉陽稱帝一年爲慕容永所滅後魏復爲太原郡周

武帝建德六年平齊置六府於并州後省六府置并州總管隋開皇二年廢總管置河北道行臺尚書省今州理是也九年廢行臺復置并州總管大業元年廢總管三年罷州為太原郡隋季陵遲寇盜充斥煬帝以高祖為山西河東道撫慰大使太原郡留守仍遣武賁郎將王威高君雅為副時賊帥歷山飛衆號十萬來寇郡境劉武周又殺太守王仁恭舉兵馬邑俄又攻破汾陽宮監裴寂晉陽令劉文静勸高祖舉兵旬日間衆至數萬威君雅有疑心高祖斬之以徇時人紫十三年也其年入關尅定京邑高祖輔政義

寧元年太原郡仍舊不改武德元年罷郡為并州總管三年廢總管四年又置其年又改為上總管五年又改為大總管七年又改為大都督天授元年罷都督府置北都神龍元年依舊為并州大都督府開元十一年玄宗行幸至此州以王業所興又建北都改并州為太原府立起義堂碑以紀其事二十一年分天下州郡為十五道置採訪使以檢察非法太原為河東道又於邊境置節度使以武遏四夷河東最為天下雄鎮河東節度理太原府管兵五萬五千人馬一萬四千匹衣賜一百二十萬匹段軍糧五十萬石倚角朔方天兵軍太原府城內聖歷二年置管兵二萬人馬五千五百匹雲中

郡守捉破東西去單于府二百七十里調露中裴行儉
 東南去理所大同軍南侵裴行儉開置管兵九千五
 八百餘里至西門今代州也
 安邊郡管兵七千八百人馬千八百匹西南去理所
 九百餘里今蔚州定襄郡去理所八百八十里管兵
 邊郡今蔚州定襄郡去理所八百八十里管兵
 所五百里管樓煩郡管兵三千人樓煩今嵐州岢嵐
 兵四千九百九十里長安中李迥秀置管兵天寶元年
 軍十人東南去理所三百五十里岢嵐管兵天寶元年
 改北都為北京今太原有三城府及晉陽縣在西城
 太原縣在東城汾水貫中城南流
 府境南東西北

八到

西海至上都一千二百六十里
 東至遼州五百六十里

南至東都八百九十里
 北至忻州一百八十里
 正南微東潞州四百五十里
 東北至恒州五百里

貢賦

開元貢
 甘草 龍骨
 黃石 排 人參

特生草
 栢子仁
 銅鏡
 蒲萄
 賦麻布

管縣一十三

太原 晉陽 榆次 清源
 壽陽 太谷 沁縣 文水
 交城 廣陽 陽曲 盂縣
 樂平

太原縣

亦郭

開元戶二萬一千六百五十六
 元和戶

鄉四十
 墾田

本漢晉陽縣地高齊河清四年自今州城中移晉陽
 縣於汾水東隋文帝開皇十年移晉陽縣於州城中

仍於其處置太原縣屬并州太業三年罷州至太原
郡縣仍屬焉隋末移入州城貞觀十二年還遷於舊
理在州東二里百六十步

牢山一名看山在縣東北四十五里後魏書曰劉總
遣子粲襲晉陽猗盧救之遂獵牢山陳閱皮肉山爲
之赤其山出金鉞

潛丘在縣南三里爾雅曰晉有潛丘隋開皇二年於
其上置大興國觀

洞過水東自榆次縣界流入西去縣三十里入晉陽
縣界

陽曲故城在縣東北四十五里

陽直故城在縣東北二十里開皇十六年改陽曲縣
理此

晉渠在縣西一里西自晉陽縣界流入汾東地多鹹
鹵井不堪食貞觀十三年長史英國公李勣乃於汾
河之上引決晉渠歷縣經鄆又西流入汾水

晉陽縣

赤郭下

開元戶一萬二千八百八十一

鄉二十五

本漢舊縣也屬太原郡至後魏並不改按此前晉陽
縣理州城中高齊武成帝河清四年移晉陽縣於汾
水東今太原縣理是也武平六年於今理置龍山縣

屬太原郡因縣西龍山以爲名也開皇三年罷郡置并州十年廢龍山縣移晉陽縣理之大業三年罷州爲太原郡縣仍屬焉皇朝因之在州南二里懸甕山一名龍山在縣西南十二里山海經曰懸甕之山晉水出焉其上多玉其下多銅

蒙山在縣西北十里六國春秋曰前趙劉聰征劉琨不尅略晉陽之人踰蒙山而歸即謂此也今山上有楊忠碑爲周將討齊戰勝隋文開皇二年追紀功烈始建此碑忠即文帝之考謚曰武元皇帝

汾水北自陽曲縣界流入經縣東一里又西南入清

源縣界

晉水源出縣西南懸甕山水經注曰晉水出懸甕山東過其縣南昔智伯逼晉水灌晉陽城不沒者三版後人踵其遺跡蓄以爲沼沼水分爲二派其北瀆即智氏故渠也其瀆乘高東北注入晉陽城以周漑灌東南出城注於汾水其南瀆於石塘下伏流東南出晉陽城南又東南入於汾今按晉水初泉出處砌石爲塘自塘東分爲三派其北一派名智伯渠東北流入州城中出城入汾水其次派東流經晉澤南又東流入汾水此二派即酈元所言分爲二派者也其南

汾隋文開皇四年開東南流入汾水

洞過水東自太原縣界流入西入于汾晉水下口者也水經注曰劉琨之爲并州也劉元海引兵擊之合戰於洞過即此水是也今案此水出沾縣北山沾即今樂平縣也水經縣東南二十五里入汾水

晉澤在縣西南六里開皇六年引晉水溉稻田週迴四十一里

府城故老傳晉并州刺史劉琨築今按城高四丈週迴二十七里今按城中又有三城其一曰大明城即古晉陽城也左傳言董安于所築史記云智伯攻襄

子於晉陽引汾水灌其城城不歿者三版春秋後語云智伯攻晉陽決晉水灌之城中懸釜而炊今按城東有汾水南流城西又有晉水入城而史記云引汾水後語云決晉水二家不同未詳孰是高齊後帝於此置大明宮因名大明城姚最序行記曰晉陽宮西南有小城內有殿號大明宮即此也城高四丈週迴四里又一城南面因大明城西面連倉城北面因州城東魏孝靜帝於此置晉陽宮隋文更名新城煬帝更置晉陽宮城高四丈週迴七里又一城東面連新城西面因州城開皇十六年築今名倉城高四丈週迴

八里

故唐城在縣北二里堯所築唐叔虞之子變父徙都之所也

三角城在縣西北十九里一名徒人城捍胡城一名看胡城在縣北二十三里

受瑞壇在州理倉城中義旗初高祖太武皇帝受瑞石於此壇文曰李埋萬言

晉陽故宮一名大明宮在州城內今名大明城是也昔智伯攻趙襄子襄子謂張孟談曰無箭柰何對曰臣聞董安于簡主之才臣也理晉陽公宮之桓皆以

荻蒿楛塙之蒿至于丈於是發而試之其堅則菌轄之勁不能過也公曰矢足矣吾銅少對曰臣聞董安于之理晉陽公宮之室皆以鍊銅為柱質請發而用之則有餘銅矣高齊文宣帝又於城中置大明宮竹馬府在州城中

汾橋架汾水在縣東一里即豫讓欲刺趙襄子伏於橋下襄子解衣之處橋長七十五步廣六丈四尺晉祠一名王祠周唐叔虞祠也在縣西南十二里水經注曰昔智伯遏晉水以灌晉陽其川上源後人蓄以為沼沼西際山枕水者唐叔虞祠水側有涼堂結

飛梁於水上晉川之中冢為勝處序行記曰高洋天
保中大起樓觀穿築池塘自洋已下皆遊集焉至今
為北都之勝

介之推祠在縣東五里

唐叔虞墓在縣西南十六里

高齊相國咸陽王斛律金墓在縣西南十七里

晉祠碑在乾陽門街貞觀二十年太宗幸并州所置
御製并書

起義堂碑在乾陽門街開元十一年玄宗幸太原所
立御製并書

講武臺在縣西北十五里顯慶五年置

榆次縣

畿西土府五十六里

開元戶一萬五千四百三十七

鄉三十

本漢舊縣即春秋時晉魏榆地左傳曰石言于晉魏

榆注曰魏晉邑榆即州理名也史記曰莊襄王二年

使蒙騫攻趙魏榆漢以為縣屬太原郡後魏太武帝

并入晉陽縣宣武帝復置榆次縣高齊文宣帝省自

今縣東十里移中都縣理之屬太原郡十年改中都

縣又為榆次縣三年罷州為郡縣仍屬焉皇朝因之

麓臺山俗名鑿臺山在縣東南三十五里

洞過水東自壽陽縣界流入經縣南四里又西南入

太康縣界

中都故城縣東十里高齊移於廢榆次城即今縣理是也

鑿臺在縣南四里水經注曰洞過水西過榆次縣南水側有鑿臺智伯瑤刳腹絕腸折頭捐頤之處史記曰智氏信韓魏從而伐趙攻晉陽韓魏殺之於鑿臺之下說苑曰智氏見伐趙之利不知榆次之禍皆謂此也今案其臺爲洞過水所侵無復餘跡原過祠俗名原公祠在縣東九里史記曰智伯率韓魏攻趙趙襄子懼乃奔保晉陽原過從後至於王澤

見三人自帶已上可見自帶以下不可見與原過竹三節莫通曰爲我遺趙毋卹原過旣至以告襄子襄子齊三日親自剖竹有朱書曰趙毋卹余霍泰出陽侯天吏也三月丙戌子將使汝反滅智氏汝亦立我百邑襄子再拜受三神之令旣滅智氏遂祠三神於百邑使原過主之麓臺山祠俗名智伯祠在麓臺山上

清源縣

畿東北至府三十九里

開元戶八千五百四十一元和戶

鄉十七

本漢榆次縣地地理志曰榆次有梗陽鄉魏成邑按梗陽在今縣南百二十步梗陽故城是也自漢晉皆爲榆次縣地後魏省榆次縣地屬晉陽開皇十六年

於梗陽故城置清源縣屬并州因縣西清源水爲名
大業二年省又爲晉陽縣地武德元年重置

汾水經縣東去縣九里又東南入文水縣界

梗陽故縣城春秋晉大夫祁氏邑也在縣南百二十
步左傳曰晉殺祁盈遂滅祁氏分爲七縣戍爲梗陽

大夫是也開皇十六年於其城內置清源縣

鵝城在縣東南二十二里晉陽春秋曰永嘉元年洛
陽步廣里地陷有二鷺色黃蒼者飛冲天白者不能
飛倉雜色故夷之象劉曜以爲己瑞築此城以應之
閻沒墓在縣西南三里左傳曰梗陽人有獄魏成不

能斷以獄上其大宗賂以女樂魏子將受之魏戊謂
閻沒必諫許諾退朝待於庭饋入召之比置三歎魏
子問之對曰或賜小人酒不夕食饋始置恐不足中
自咎曰豈將軍食之而有不足及饋之畢願以小人
之腹爲君子之心屬餐而已魏子辟梗陽人

壽陽縣

畿西南至府一百五十里

開元戶五千一百六十七

鄉十

本漢榆次縣地西晉於此置受陽縣屬樂平郡永嘉
後省晉末山戎內侵後魏太武遷戎外出徙受陽之
戶於太陵城南置受陽縣屬太原郡受陽縣即今文
水縣是也開皇十年改受陽爲文水縣又於受陽故

城別置受陽縣屬并州即今縣是也大業三年罷州
爲太原郡縣仍屬焉武德三年置受州縣改屬焉貞
觀八年廢受州縣并州貞觀十一年更名壽陽
方山在縣北四十里
洞過水東自樂平縣界流入在縣南五十里又西南
入榆次縣界

馬首故城在縣東南十五里左傳曰晉分祁氏之田
爲七縣韓固爲馬首大夫即其地也

神武故城後魏神武郡也在縣北三十里周廢

太谷縣

畿西北至府
七十五里

開元戶
一萬五千九百

元初戶

一萬五百九十
鄉二十

本漢陽邑縣地屬太原郡今縣東十五里陽邑故城
是也後漢明帝以馮魴爲陽邑侯後魏太武帝省景
明二年復置陽邑縣屬太原郡即今縣是也高齊及
周同開皇三年罷郡屬并州開皇十八年改陽邑爲
太谷縣因縣西太谷爲名大業三年罷州爲太原郡
縣仍屬焉武德三年分并州之太谷祁二縣於此置
太州六年省太州復以太谷祁縣屬并州
白壁嶺北縣北七十五里
蔣谷水今名象谷水源出縣東南象谷經縣北四里
北入清源縣界

陽武故城在縣東南十五里

咸陽故城在縣西南十里秦伐趙築之以咸陽兵戍之因名

羅孽亭俗名落漠城在縣西北十九里

祁縣畿北至府一百里開元戶一萬五千七百八十二元初戶鄉二十

本漢舊縣即春秋時晉大夫祁奚之邑也左傳曰晉殺祁盈遂滅祁氏分為七縣以賈辛為祁大夫注曰太原祁縣也按漢祁縣在東南五里故祁城是也後漢訖後魏並不改高齊天保七年省開皇十年重置屬并州武德二年改屬太州六年省太州還屬并州

情山在縣東南六十里

胡甲水一名大谷水東南自潞州武鄉縣界流入又南入汾州平遙縣界

故祁城漢祁縣城也在縣東南五里晉大夫賈辛邑水經注曰賈辛以兒醜妻不為言與之如臯射雉中之妻仍笑按左傳魏獻子謂賈辛曰昔賈大夫惡娶妻而美三年不言御以如臯射雉獲之其妻始笑而言注曰賈國之大夫以此而言則辛非射雉者酈元所引為謬趙衰子城在縣西六里

雲州故城後魏雲州城也在縣西二十里孝武帝永

熙中寄理并州界謂此也

祁奚墓在縣東南七里

後漢溫序墓在縣西北十四里序本祁人死葬洛陽其子夢序云久客思故鄉乃反葬焉

後漢周黨墓在縣東南十四里黨廣武人世祖引見伏而不謁

高齊唐邕墓在縣東南七十里碑云齊尚書令晉昌王

文水縣

畿東北至府一百一十里

開元戶一萬二千六百六

元和戶鄉二十三

本漢大陵縣地屬太原郡今縣北十三里大陵故城是也後魏省仍於今理置受陽縣屬太原郡開皇十

年改受陽縣爲文水縣因縣西文谷水爲名皇朝因之天授元年改爲武興縣神龍元年復爲文水縣城甚寬大約三十里百姓於城中種水田

汾水東北自清涼縣界流入經縣東十五里又西南入汾州隰城縣界

文水西北自交城縣界流入經縣西又南入隰城縣界大陵城漢大陵縣也在縣東北十里史記曰趙武靈王遊大陵夢處女鼓琴而歌異日數言所夢想見其狀吳廣聞之因進孟姚焉

平陶城漢平陶縣城也在縣西南二十五里屬太原

郡後魏改爲平遙縣後西胡內侵遷居京陵塞在今汾州界大于城在縣西南十一里本劉元海築令兄延年鎮之虞語長兄爲大于因以爲名

交城縣

畿東北至府八十里

開元戶五千四百十三元和戶

鄉十二

本漢晉陽縣地開皇十六年分晉陽縣置交城縣取古交城爲名屬并州皇朝因之天授二年長史王及善自山北故交城縣移就却波村置

少陽山在縣西南九十五里其上多玉其下多赤銀高二百丈周迴二十里

羊腸山在縣東南五十三里石磴索委若羊腸後魏

於此立倉今嶺上有故石壩俗云太武帝避暑之所地理志上黨壺關亦有羊腸陂在今潞州界不謂此也孤突山在縣西南五十里出鐵鉞

汾水西北自嵐州靜樂界流入

文谷水出縣西南文谷水經曰文水出大陵縣西山文谷按大陵縣在今文水縣北十三里大陵故城是也文水發源此城西北東南流入文水縣界行八十里

廣陽縣

畿西至府二百六十里

開元戶二千六百七十三元和

鄉五

本漢上艾縣也屬太原郡後漢屬常山國晉屬樂平郡後魏改石艾縣屬樂平郡不改開皇三年罷郡改

屬遼州大業三年省遼州後屬并州武德三年又屬遼州遼州今太原府樂平縣理是也六年改屬受州貞觀八年廢受州後屬并州天寶元年改爲廣陽縣因縣西南八十里廣陽故城爲名也

浮山在縣東南三十五里

澤發水一名阜漿水亦名妬女泉源出縣東北董卓壘東今其泉初出大如車輪水色青碧泉傍有祠土人祀之婦人衿服靚粧必興雨電故曰妬女故老傳此泉中有神似驚畫伏夜遊神出水隨神而涌其水東北流入井陘縣界

廢受州城在縣西北三十里舊名塞魚城武德八年因故跡築移受州理此貞觀八年廢

井陘故關在縣東八十里史記曰漢二年韓信與張耳欲東下井陘擊趙王成安君陳餘聚兵井陘曰二十萬廣武君李左軍說成安君曰井陘道狹車不得方軌騎不得成列假臣竒兵三萬從間道絕其輜重不至十日兩將之頭可致戲不餘不從故敗今按井陘亦名土門

盤石故關在縣東北七十里
葦澤故關在縣東北八十里

董卓壘在縣東北八十里水經注曰澤發水出董卓壘東

妬女祠在縣東北九十里澤發水源

陽曲縣

畿南至府七十里

開元戶八千一百二十二

鄉十六

本漢舊縣也屬太原郡黃河千里一曲曲當其陽故曰陽曲案此而陽曲縣今忻州定襄縣是也後漢末移於太原縣北四十五里陽曲故城是也後魏又移於今縣南四里陽直故城開皇三年改爲陽直縣十年又移於今縣東北四十里汾陽故縣十六年改陽直縣爲汾陽縣因漢舊名也煬帝又改爲陽直縣移

理木井城即今縣埋是也武德七年又於今縣西十五里分置汾陽縣屬并州七年省陽直縣改汾陽爲陽曲縣因漢舊縣也

方山在縣東六十里

汾水西自交城縣流入經縣西南去縣三十里又東南入太原縣界

縣城故木井城也東魏孝靜帝築城中有井以木爲甃因名之

狼益故城在縣東北三十六里史記曰始皇十五年大興兵至太原取狼益是也漢以爲縣屬太原郡晉

末省按城左右狹澗幽深南面大壑俗謂之狼馬澗
舊斷澗為城今餘壁猶存

故孟城漢孟縣也本春秋時晉大夫祁氏邑在縣東
北十里左傳曰晉殺祁盈遂滅祁氏分為七縣以孟
景為孟大夫漢以為縣

石嶺鎮在縣東北七十里

孟縣

畿西南至府二百二十里

開元戶五千二百七十六

元和戶

本漢舊縣屬太原郡後漢及晉不改按此前孟縣在
今縣西南陽曲縣東北八十里故孟縣城是也後魏
省地屬石艾縣開皇十六年分石艾縣置原仇縣屬遼

州因原仇故城為名即今縣是也大業二年改原仇
為孟縣因漢舊名屬并州皇朝因之武德三年割并
州之孟壽陽二縣於此置受州貞觀八年省受州孟
縣復屬并州

白馬山在縣東北六十里山海經曰白馬之山其陽
多玉石其陰多鐵及赤銅木馬之水出焉山上有白
馬關後魏所置

原仇山在縣北三十里出人參鐵鉞縣取此山為名
漳沱水西自代州五臺縣界流入南去縣百里
縣城本名原仇城亦名仇由城按韓子曰智伯欲伐

仇由國道難不通鑄大鍾遺之仇由大悅除塗將內之赤章曼支諫不聽斷轂而馳仇由以亡蓋其地也

樂平縣

畿西南至府三百里

開元戶二千六百八十九鄉五元和戶

本漢沾縣屬上黨郡

沾音丁念反

晉於此置樂平郡

沾縣屬焉又別置樂平縣後魏太武帝省樂平郡及縣孝明帝於今儀州和順縣重置樂平郡及縣高齊移理沾城即今縣是也開皇十六年於此置遼州縣屬焉大業二年省遼州以樂平屬并州皇朝因之武德六年廢受州貞觀八年省受州縣改屬并州少山一名河逢山在縣西南三十里福地記曰河逢

山在樂平沾縣高八百丈可避兵水此即恒山之佐命也

沾嶺在縣西三十里

清漳水出縣西南少山山海經曰少山清漳水出焉今按清漳出樂平濁漳出潞州山子縣界

縣城即漢沾縣城也隋文帝更加修築

昔陽故城一名夕陽城在縣東五十里左傳曰昔荀吳假道於鮮虞遂入昔陽滅肥子綿臯歸七國時趙

戍於此

汾州望

西河

開元戶五萬三千七十六人和戶八千三百四

鄉一百一十四鄉一百一十八

禹貢冀州之域其在虞舜十二州及周皆屬并州春秋時為晉地後屬魏謂之西河子夏居西河吳起為西河守皆謂此也秦屬太原郡漢武帝元朔四年置西河郡領縣三十六理富昌縣是也後漢徙理離石即今石州離石縣也獻帝末荒廢魏黃初二年乃於漢慈氏縣置西河郡即今州理是也晉惠帝時為劉元所攻破邵遂廢後魏孝文帝太和八年復於慈氏舊城置西河郡屬吐京鎮按吐京鎮今隰州西北九十里石樓縣是也十二年改吐京鎮為汾州西河郡仍屬焉明帝時為胡賊所破因此移西河郡理平陽

界高齊又於此城置南朔州周武帝廢南朔州宣帝於此置汾州大業三年廢汾州還於隰城縣置西河郡皇朝初改為浩州武德三年又改浩州為汾州

州境 東西一百六十四里 南北二百八十五里

東南至東部九百三十里 東南至路州四百四十里 東北至太原府一百七十里 西南至隰州一百七十里

貢賦 開元貢 龍鬚蒂 石膏 賦麻布 菽粟

管縣五 西河 孝義 介休 靈石 平遙

西河縣 皇 開元戶一萬二千三百七十五 鄉二十五

本漢慈氏縣也曹魏於此置西河郡晉改為國仍改

慈氏縣為隰城縣上元元年改為西河縣今城內有
晉西河王斌碑文字殘缺

謁泉山上有石室去地五十餘丈頂上平地可千頃
相傳以為子夏石室

比干山在縣北一百一十里

文湖一名西河泊在縣東十里多捕魚之利

八門城在縣北十五里劉元海遣將喬嵩攻西河築
營自固營有八門因名

卜商祠在縣北四十里

孝義縣

繫西北至州
三十五里

開元戶一萬六百八十五

本漢慈氏縣地曹魏移西河郡中陽縣於今理永嘉
後省入隰城後魏又分隰城於今靈石縣東三十里
置永安縣貞觀元年以縣名與滑州縣名同改為孝
義因縣人郭興有孝義故以名焉

勝水在縣南一里

團城在縣西北十八里後魏築以防稽胡其城紆曲
故名團城

魏文侯墳在縣西五里

段干木墓縣東北二十五里

介休縣

望西北至州
六十五里

開元戶一萬一千三百八十三

鄉二十三

本秦漢之舊邑在介山西曰名之後魏明帝時為胡賊所破至孝靜帝更修築遷朔州軍人鎮之因立為南朔州但領軍人不領郡縣其介休縣仍屬汾州高齊省介休入永安縣周武帝省南朔州復置介休縣宣帝改介休為平昌縣隋開皇末又改平昌為介休縣義寧元年於縣置介休郡武德元年改郡為介州貞觀元年廢介以縣屬汾州

介山在縣西南二十里

雀鼠谷在縣西十二里

汾水在縣北十二里

鄔城泊在縣東北二十六里周禮并州之數曰昭餘祁邱鄔城泊是也

郭林宗墳在縣東三里周武帝時除天下碑唯林宗

碑詔特留

靈石縣

上北至州一
百二十里

開元戶三千七百三十一

鄉八

本漢介休縣地隋開皇十年因巡幸開道得瑞石遂於谷口置縣因名靈石皇朝因之

介山在縣東四十二里

汾河在縣北十步深一丈闊三丈

賈胡堡在縣南三十五里義寧元年義師次于霍邑

隋將宋金剛拒不得進屯軍此堡有霍山神見靈事
已具於霍邑縣叙事

平遙縣 望西北至州 開元戶一萬八千九百七 鄉三十八

本漢平陶縣地屬太原郡後漢隸西河郡魏以太武

帝名燾改平陶為平遙隋屬西河郡義寧元年於介

休縣置介休郡以平遙縣屬焉武德元年於此置介

州縣屬不改貞觀元年省州縣屬汾州

麓臺山在縣東南五十二里

京陵故縣在縣東七里漢京陵縣晉九原地也禮記

注曰九原晉卿大夫之墓地也

中都故縣在縣西十二里屬太原郡漢文帝為代王

郡於此

沁州 陽城 開元戶六千五百二十 元和戶二千二百一十 鄉一十三 鄉一十三

禹貢冀州之域春秋時其地屬晉戰國屬韓在秦為

上黨郡地今州即漢上黨郡之穀遠縣地也開皇十

六年於此置沁州因州東沁水為名大業二年省沁

州武德元年重置

州境 東西一百五十里 南北二百六十四里 西南至上都一千二十里 東南至東都六百三十里

八到 西南至晉州二百九十里 西北至汾州二百六十里 東北至太原府三百四十里 西至晉州霍邑縣一百三十里

東北至洛州二百二十里

貢賦 開元貢 龍顏華 賦布

管縣三 沁源 和川 綿上

沁源縣中 開元戶二千二百五十四 鄉五

本漢穀遠縣地舊在今縣南百五十里孤遠故城是也語音訛轉故以穀為孤耳後魏莊帝於今理置沁源縣因沁水為名也屬義寧郡開皇三年罷郡置縣屬晉州十六年置沁州縣屬焉

霍山一名太岳在縣西七十八里

沁水自綿上縣界流入在縣東一里

和川縣中下北至州七十里 開元戶二千八十 鄉四

本漢穀遠縣地後魏莊帝於今縣南九里置義寧縣屬義寧郡開皇三年罷郡改屬晉州十六年置沁州縣屬焉十八年改為和川縣大業二年省武德元年重置

烏嶺在縣西十六里

沁水在縣東十里

弃波水在縣東八十步

莫缺墓在縣南三十六里

綿上縣中下南至州七十六里 開元戶一千八百一十五 鄉四

本漢穀遠縣地開皇十六年置綿上縣屬沁州以縣

西界有綿上地因以為名

羊頭山一名謁戾山在縣東北五十里沁水所出

沁水一名少水出縣東南二十四里覆甌山左傳曰

齊侯伐晉封少水為京觀也

霍山在縣西南八十里

儀州

樂平

開元戶七千九百九十五
元和戶一千六百五十一

鄉二十九
鄉二十

禹貢冀州之域春秋時其地屬晉戰國屬韓秦為上黨郡地今州即漢上黨郡之涅縣地也後漢於此置
韓陽縣屬上黨郡隋開皇十年於韓陽故城置遼山
縣屬并州即今州理是也武德三年於此置遼州八

年改為箕州因遼山縣界箕山為名先天元年以與

玄宗韓同聲改為儀州因州東夷儀嶺為名也

州境

東西二百五十里
南北一百五十九里

八到

西南至上都一千六百四十里
西北至太原府三百四十五里

西至東都七百八十里
西至太原府祁縣三百里
南至潞州二百一十里

正東微南至名州三百六十里
北至太原府樂平縣一百十里

貢賦

元和貢 人參三十兩

管縣四

遼山

榆社

平城

和順

遼山縣

中下

開元戶二千一百九十

鄉五

本漢涅縣地後漢於此置韓阿縣屬上黨郡晉改為
韓陽縣屬樂平郡後魏明帝改為遼陽開皇十年改

置遼山縣因縣西北轅山為名皇朝因之

箕山在縣東四十五里上有許由冢按司馬遷傳曰
余登箕山上有許由冢則在今洛州陽城縣不當在此

玉指山在縣東五十里

祝融祠在縣北二里

榆社縣 中東至州一 開元戶二千七百一十 鄉六

本漢涅縣地晉於今縣西北三十五里置武鄉縣屬

上黨郡石趙時改屬武鄉郡開皇十六年於此置榆

社縣屬韓外 今洛州襄涅 縣理是也 因縣西北榆社故城為名

大業二年省義寧二年又置武德三年於縣置榆州

縣屬焉六年廢榆州以縣屬遼州後屬儀州縣城故

武鄉城也石勒時築前趙錄曰石勒上黨武鄉人僭

號後還令曰武鄉吾之豐沛其復之三世

石勒漚麻池在縣北三十里即勒微時與李陽所爭

處今枯涸終有處所

平城縣 下東南至州 開元戶九百五十四 鄉三

本漢涅縣也晉置武鄉縣地屬焉開皇十六年於趙

簡子所立平都故城置平城縣屬遼州大業二年改

屬并州武德三年改屬榆州六年省榆州改屬遼州

貞觀八年改屬箕州先天元年改屬儀州

八賦嶺在縣西南三十里武鄉水所出

和順縣

中南至州八十五里

開元戶二千一百二十九

鄉五

本漢沾縣地即韓之閼與邑也史記曰秦伐韓閼與趙惠文王使趙奢救之大破秦師即此地也開皇十年於今理置和順縣屬并州因縣東北和順故城以爲名

九京山在縣西十里

清漳水在縣北

元和郡縣圖志卷第十三